

wirt euch erinnern alls das ich euch gesagt habe Solche
schreiber achten aber des Ewangely nicht / den sy sein om
feindt / Konnen nicht duldē nach leyden / wy dan auch nen
lich eier an den Rectorn zu leyptz Camicianū schreyben /
womant inn von seines ampts wegen vnd bey vorlust sei
ner selen heyl das er drob sein solt / das gottis wort bey ins
nē mocht vffgehn vñ gepredigt werden / vñ were dy groste
ursache das verhindert worde / Es were des teuffelischen
volcks pfaffen vñ monche alle winckel vol gesteckt Welche
das Ewangeliū nicht dulden noch leiden konten.

¶ Es hilfft auch nicht das sy grosse wappen / r on tzigē
vñ bocken an ire bucher drückē euch zu erschrecken / welch er
dy aposteln cristy keines braucht haben / aber dy tzigē ist ei
geistlich thir dar von sy einē geystlichen namē haben / sonst
ist nichts geystlichs an inen / den nurn eytel fleisch / vnd wer
sy geystlich vmb ander sachē willen nennet thut yn vnrecht
den pfaffen vñ monch sein zu teylt in mancherley secten be
bistisch / Benedictus Francisci dominici.

¶ Sāt paul straffet dy Corinthr das sy sich nach paulo
appollo vñ Petro nantē / sagt seyt ir nicht fleyschlich Wēn
einer saget ich bin panlisch der ander ich bin appollisch der
dritte ich bin petrish Ist dā Crisr^o zu teylt Ist den paul^o
fur euch gecreuziget / vil meher aber sein vnser pfaffen vnd
monche fleischlich vñ nicht geystlich.

¶ Wen auch einer dy armen blindē leut fraget / wy es in
der cristeheit stünd zu der tzeit der aposteln vñ merterer vñ
lange tzeit hernach / Ehe dan ein buchstab an dem Cano
nischen rechte vnd aller babsts bufferey vnd aller doctorn
lere geschriben war / sy mussten an iren falschen danck bekē
nen / das es auff's aller beeste in der cristenheit stunde / hy ist
wol zu merckē was vnß das babsts adder endecristis lere
not ist.